

明

詩

紀

事

明詩紀事

貴陽陳田輯

庚籤

孫鎮十四首

鎮字甯之拔人

溝音集王西樵曰甯之擬古樂府得其聲情自是絕技五古秀挺七言歌行跌宕有氣王貽上曰甯之五言頗學漢魏三謝然自是盛唐佳境時有桀驁之氣府等作古嶃與衍斑駁陸離直與北地抗行惜其長譽未鶴而芳蘭早凋令天假之年吾未測其所至至也田接于麟擬古樂府爲世口實自後齊人如于無垢公孝與皆有緒論以于麟好古鈞奇不能自爲一詞至譏爲探胠縢篋之間乃藝林之根蠹學人之路人作古語終不似斯其所以爲似也近體摹倣少陵今有奇句選家錄明詩無有知甯之者王西樵教授

萊州編濱音集乃取甯之詩而論次之世無西雅如
甯之者亦理設於荒煙蔓草而已

隴頭水

隴頭水一南一北流連四下五步一歎息十步一徘徊嗟我
行人心胡以南身胡以北當風激波溟下纍纍酌彼隴水山
上傾澆之使爾南不得南北不得北請與諸君鼓噭胡我心
我身兩分祖上方依希主知之

擬古善哉行

七解

驚風飄日奄忽沈山徘徊四顧壯士摧顏我懷殷憂悽愴無
歡俯視流波涕泗汎瀾一昭昭明月陰雲四起晦跡窮山採
歌芳芷寶鼎中燔奇服外綯芳香暗投誰復知矣二鼓鐘嘈
嘈不如雅彞醕醪烹炙尚思綺紝金碧翠錯志在麻督滌泊

自然可以忘餐三解世態反復悠悠莫測我伊有懷夜不能息
引領關河慙無羽翮吐氣慷慨懼爲人識四解地迴天高安有

通津蹊

五解

久別特達無因積怨成疏緣困含辛可當奈何委

望慈仁

六解

墓壘惟傾寵極無恩古有忠誠鮮復得完瓦礫見

收而棄與璠仰望參商悲何可言

七解

夙駕焉薄于遊于盤六

龍飛輿出入雲端俯觀下都憂心瞻瞻元膏玉液徒勞苦難

七解

田橫島

賢豪無近圖列俠羞人下所輸隆準公逐鹿先得者豈惟齊
田橫不能保宗社其徒五百人安不逃之野王侯如浮梗身
世等飄瓦仗劍盡從之血流海波赭漢庭何輝煌如此高義

冥萬古懷英聲臨風淚堪把

幸臺

晚登古臺上北風何蕭蕭海空蜃樓滅天廣蓬山遙漢武昔
愛仙巡遊此招要稅駕當利城山川莽來朝行幄豈不華勢
欲凌雲霄安期不可待龍顏亦已凋霓旌變浮煙筭鼓散鳴
潮地古池館盡年深碑版消如何千載下雄名喪輕飈龍去
不再還烏曉夜寥寥惟有舊時月依然滿山椒

大珠石室

巍巍大珠山其高逼星斗衝擊聞波潮豁爽見陵阜白日落
海上青天挂峯首剗然古石室元冥何代剖時時雲霞出夜
夜風雷走古來棲真仙藥室留石臼如何納塵纓不見長年

叟我欲乘家遊不知終得否

出香山寺登南嶺下大澗晚投碧雲寺作

策杖躡南嶺表裏望畿甸愛此山川佳行歌不知倦雖無絲竹陳頗有魚鳥翫積翠來遠峯白雲下長澗偃卧春草間好風時微扇出谷天地開轉徑松蘿換煙深鳥雀集山隈牛羊散返照竟千里都城如白練的的桃李明爛爛襟袖變返策投珠林鐘聲入雲漢趺坐對菩提恍如登彼岸

行役二首

朝發任邱城夕過淇水渡落照下遠空長揚灰廣路水流日不返人去亦不顧長歎問僕夫蒼茫古隄暮蠻蠻一古塚云是扁鵲墓歲久荆棘生野荒狐兔聚悲風自天來搖落西郭

樹日行雨含餘動我千百慮何當解天刑游仙謝巾屨
薄海多曠野晚入蕪城臺冥冥孤館閉颯颯寒風來停車謝
候人獨坐心徘徊瓦燈照素壁蟋蟀吟空階命僕沽市醪一
酌心懷開醉來藉草卧倏忽雞聲催悠悠出郊郭四望何悲
哉平原人迹稀惟見蒿與萊況復年歲饑千里徂黃埃苦樂
大地偏民生信可哀

曉起簡伯韶

醉眠簾光曙繡衣聊試展長嘯振松風地偏欣迹散依林坐
理髮還向清冷盥澗淨華藻生山明白雲捲寥寥好鳥鳴垂
垂露珠泣危峯落匡床殘花覆苔蘚念子澹蕩人獨居誰爲
遣浮世無長生何爲不遊衍載酒攜素琴經過病避免

徐爾行自青州來視余病病良已館底意山房旬月迫
欲歸作歌贈之

去年冬走長安城長安飛雪燕山平王侯見士如見鬼黃金
爲寶文章輕歸來閉戶渴欲死林間病骨相支撐徐郎驅馬
青州道高談七發雄風生病夫起坐感離別寒暄數語形神
清我悟浮生破千古虛名恥與時人爭徐郎持杯勸我酒醉
我不覺參斗橫殘月入城銜柳色白雲出岫和鐘聲斗水不足
活長鯨閒情可結沙鷗盟徐郎不住欲何往世態乾坤兩
骯髒君年四十老書生我今多病頭顱長遠離重逢知得否
況乎死生如返掌臨歧強飲數百杯眼看落日沈高臺揮鞭
一語不能出海邊雁斷天風來

宿樊桐以早春遣興詩見示漫賦答之

生理何聊賴淒其一病身石橋煙報柳山路鳥唳春琴酒多
妨俗詩書卻誤人莫言名利事一醉落烏巾

羣盜

殺氣生羣盜妖氛失漢旌黃巾橫四野白日閉孤城守吏無
人色蒼生有哭聲恐煩東郡願垂望正含情

秋懷

黃金臺畔草蕭蕭碣石宮煙銷寂寥市駿代非遺骨盡談天
名在古人遙平沙落月迷寒雁荒塞征蓬走夕飈今日悲歌
徒感慨英靈千載不堪招

乾光殿

西苑

漢家西苑接朝陽，飛闥天開倒日光。
十丈珠簾垂錦繡，千年鐵檜老風霜。
彤庭夜月懸鵠鵠，紫閣晴雲遶鳳凰。
誰道御容深不見，鸞花猶得近君王。

陸弼 六首

弼字無從江都人有正始堂集

四友齋叢說余見扇頭詩有云匣有魚腸堪借客世
無狗監莫論才余極愛之以爲近代之詩亦難得如
此者後題名曰陸君弼後訪陸乃江都人歐菴弟子也

列朝詩集無從老爲學官弟子自髫齡至老治博士
家言伊吾吟哦併日分夜不少廢又好博涉多所
撰述廣陵爲南北孔道祐納賢豪長者其聲藉甚趙
蘭谿當事議修正史請徵故知縣王一鳴故通判魏
學禮太學生王穉登生員陸弼入史館纂修未上而
罷年七十餘乃卒無從移詩起嘉靖末年推尊于弇
州幾欲綺金頂禮弇州斂平生文字四十年推尊于弇
州顧人顧不弇

及無從久之海內爭抨擊王李無從亦心動悔其少作而迄不能改也王承甫許正始堂集曰戊辰以後多染時調乙未以後乃爲陞無從詩人謂承甫前評爲確而後評未必允也田按無從才調翩翩俊語盛出雖染指弇州尙不至如牧齋所識

立秋前一夕夏立成席上觀吳姬薛素素挾彈戲因賦長歌贈之

華堂殘暑雨失驕輕颺颺吹絲袍主人開宴呈百劇鸞簫羯鼓聲嘈嘈吳姬座上薛靈芸文俠風流迥絕羣酒酬請爲挾彈戲約束青衫聊一試微纏紅袖袒半礴側度雲蠶引雙臂侍兒拈丸著髮端迴身中之丸并墜言遲更疾恰應手欲發復停偏有致五步之內態橫生曲折回旋皆可意珠抵金投未足憐櫨鶯幕燕鷺相遇須臾收繳立徘徊月上雕軒客

未回絲停竹罷催紅燭更將談龍送行杯蘭溪胡生爲我友
百藝稱卿不容口獨傳彈射妙當年相逢卻在燕臺邊將軍

曾鑄黃金埒

薛時爲李征獵所嬖

細馬輕弧態轉便長安道上多游俠

若箇經過不住轎此時爲賦春江曲寫徧卿家小樣筆

桐江舟中逢吳明府

春水浙西船相逢意氣憐白雲談塵外芳草鬢絲前地是桐
君隱官同茂宰賢姓名堪自愛莫藉眾人傳

禪智寺送月上人歸黃山

長蘆初問法歸去暢玄宗一衲空山裏孤雲何處逢寒潭獨
夜月秋雨舊房松回首茱萸路相思隔暮鐘

秋日懷龐學博

蕭蕭一徑入秋苔
束帶時愁長更催
旅食又看鴻雁至
家書常共荔枝來
花邊小几聽禽坐
竹裏孤琴候客開
千載賦成傷不遇
白頭誰惜董生才

贈吳姬薛素素

纓絕鈿遺漏欲分留
髡意何勤酒闌明月生
瓊樹坐久流螢點繡裙
子夜歌來猶是夏巫山
夢去總爲雲羞將錦字
傳哀怨清磬長依貝葉文

贈金陵馬姬

杏花屋角響春鳩
沈水香殘櫳下樓
翦得石榴新樣子
不教人見玉雙鈞

鄭琰 四首

璣字翰卿閩人有二厥詩稿

西樓集翰卿塞上諸稿音訓道雋在王維李頃雁行
徐燦榕陰詩話鄭翰卿工七言少遊邊疆集中多悲壯語如馬邑吹笳烽子急雁門獵火健兒歸霜色欲將關樹折河聲如驚戍樓奔砂碛到天歸馬小烟雲連海遠鴻低劍戟已銷兵後火龍懾猶泣戰時瘞磧上陰雲連寥黑開前落日帶沙黃亂山獨馬嘶殘月遠磧離鴻叫啞霜胡騎分營來漢塚蕃河流水到秦川讀之有封狼居胥之志

列朝詩集翰卿豪於布衣任俠遨遊閩中詞館諸公爭延致之高文典冊多出其手每閉關不聽出翰卿笑曰吾具有鬚眉安能作三日新婦悒悒悶死遂跳之金陵新安富人吳生延居幸舍以上客禮之翰卿醉輒罵主人呼爲錢虜吳與其兄搆訟疑翰卿泄其陰事文致捕置京兆獄竟瘐死獄中

靜志居詩話翰卿詩名藉甚興致放超七言近體全得力於唐詩鼓吹者

田按翰卿好作俠斜遊工於言情邊塞之篇尤推豪唱

哭李大將軍

十萬旌旗染血丹招魂夜夜哭桑乾殘兵來拾中郎印野鳥
飛登上將壇金獸鎖門嚴鼓角石麟鏡壞衣冠至今掩答
騎胡馬猶是將軍舊戰鞍

汪懋忠七十從軍之燕

千金紫馬百金裝白首窮邊烈士腸一雁正來君又去二毛
雖短劍還長燕臺馬死崩寒日易水魂歸哭夕陽筋力尙堪
三日戰牙旗秋捲塞雲黃

春日卽事

荷葉田田柳葉齊女郎何處唱銅鞮春衣隊遇頻嘶馬社酒
人歸盡鬪雞二月杏花三日雨千山杜宇一聲嚦年華逐漸
東風去腸斷虹橋小苑西

春日西湖卽事

蘇小門前柳帶煙，暖沙晴日水如天。
杏鴟供作宜春酒，榆莢分爲買笑錢。
垂柳綠遮騎馬路，落花紅襯釣魚船。
杜鵑不解遊人意，催盡韶光又一年。

曹子念一首

子念名昌先以字行更字以新太倉人有集十卷

主衡綠山集以新詩聲格氣韻大抵步趨弇州先生列朝詩集以新王元美甥所謂近體歌行醜似其舅者也爲人倜儻重然諾有河朔俠士之風

除夕袁中郎縣齋守歲

江左平疇白浪遙，賈春空寓伯通橋。
蓬門歲計羞藜糲，花縣春情惜柳條。
梳髮鏡中看易老，寄愁天上雪難消。
流光不爲春，情惜柳條梳髮鏡中看易老，寄愁天上雪難消。

浮生住挑盡寒燈夜倍迢

裴邦奇

六首

邦奇字庸甫聞喜人有巢雲集八卷

田按庸甫詩語新而調適自是布衣之後

寄題海峯蘭若

聞道幽栖處山房傍水潯鶴盤青嶂遠僧卧碧蘿深海月低
禪榻天風送梵音西遊定何日蘆葉渡江心

五日獨酌寫懷

白髮新年長青山舊業貧旅懷驚節序客計老風塵草閣偏
無暑蒲觴別有春醉鄉淹日月誰是獨醒人

夏宴彩雲洞

洞天何爽坦。溽暑得清涼。雲液傾尊綠。松風拂袖香。
花開河朔宴。人醉午橋莊。樓外簫橫玉。翩翩下鳳凰。

雨坐

驅暑開松閣。鉤簾對石屏。凱風吹細雨。長日落空庭。
鷗泛沙痕淺。龍歸水氣腥。塵纓都濯盡。逸興寄滄浪。

龍澍峪

踏磴扳蘿深復深。春山無處不登臨。雲盤鳥道青冥上。
雨挂虹梁白晝陰。松外石壇留鶴跡。洞中山鬼作龍吟。
酒酣欲擬登高賦。萬里風煙壯客心。

過呂仙雲綠井莊

巖居相訪嘯。煙霞草樹遙。連石徑斜綠酒同傾。陶令宅青山。

重眺謝公家，曉雲拂千竿。竹池水秋鳴，兩部蛙。便欲從君歸，舊隱西風垂。釣白鷗沙。

聞龍一首

龍字隱鱗，鄙人有行藏。吟幽貞廬詩草

雨上書舊集隨鱗生，有至性。五歲喪母哭聲感路人。
以憶母畢生長齋性愛佳山水，以父在所出未嘗踰百里。惟遊四明山，曾遇旬日居長卿。有言鑑水隱鱗。
作天際真人想其風格可見也

訪豐吉甫

兄弟爭高卧，風煙各杜門。綠尊忘歲月，白眼睨乾坤。壁挂魚腸劍，竿挑犧鼻櫛。時人未之許，剖蘋與誰論。

程可中一首

可中字仲權休甯人有漢上集二十二卷

四庫總目可中詩亦七子末派

過白溝河

白溝河水逝東奔燕馬南來河水渾原草百年殷戰血陰風
半夜鬪遊魂明堂又喜朝元后率土空教哭聖孫回首漫憐
方正學茫茫青史不堪論

葉太叔三首

太叔字鄭朗更名亭立改字介子鄞人有思煙集藏山稿

雨上著舊集鄭朗五律氣格高濶轉造自然
田按鄭朗古詩酷摹長吉刻鵠不成五律清矯不羣
布衣詩之有骨幹者

夜過山陰

夜發山陰棹翻思舊日經雁空聞鏡水雨自溼蘭亭孤燭帆
前閣千峯夢裏青客懷牢落甚顚鬢欲星星

閒居

身外本無緣逍遙轉自憐養生感逝水閱世學枯禪道以閒
能長名因傲不傳何妨居寂寢遺興有詩篇

久不出籬門

久不出籬門唯堪對酒樽是非吾自曉險薄世難論老坐青
虧穠貧居白屋尊料無能報力莫易受人恩

安紹芳

三首

紹芳字茂卿無錫人國子監生有西林集二十卷

田按凌卿家席厚貲開園池有西林諸勝王弇州記之詩調平適時有清音

月夜社中諸子飲余水閣因誦唐人淮水東邊舊時月
夜深還過女牆來遂用爲韻得時字

六代興亡地千秋絕妙詞與君重對酒懷古有餘思恨逐寒
潮盡歡留夜月遲不須商女唱已是斷腸時

舟中望金山

挂席經孤嶼躋攀惜未能塔哨棲嶺鳥窗倚聽湖僧煙澹暮
一色樹凋秋幾層旅程應可計遠浦見寒燈

汪子建卓濬父姜固孟葉茂長楚僧東明訪余西林分

得來字

誅茆聊傍碧山隈一徑松蘿密篠開溪鳥不驚高客過嶺雲

能伴野僧來煙霞一壑答吾長風雅千秋見爾才擬借清輝
招共隱籃興無那夕陽催

明詩紀事

貴陽陳田輯

東籬

翟汝稷一首

汝稷字元立常熟人侍郎景淳子用蔭補官遷刑部
主事厯郎中出爲黃州知府改邵武辰州遷長蘆鹽
運使以太僕少卿致仕有閑卿集

四庫總目汝稷集前有葉向高所作墓誌銘稱汝稷最
不喜溫陵李贄以爲得罪名教其識實出明季士大夫
上其詩文則未能凌跨流輩也

涌泉庵

雲磴逶迤入松蘿杳靄深一燈燃蕙室萬綠覆慈林野鵠馴

僧定寒泉涌梵音可容塵世寄猶繫子牢心

屠本畯

一首

本畯字田叔鄞人尙書大山子以蔭授刑部檢校遷
太常典簿厯南禮部郎中出爲兩淮運同改福建遷
辰州知府有屠田叔詩草

筆精屠田叔詩談云近時崇尙甫解之乎輒使咿唔
稍習聲偶遽責棗梨人靡不握管城以摛詩詩無不
丙玄晏而爲序詩道崇尙無過今日清風輶轡亦無
過此時

甬上者舊集田叔官太常典簿因撰太常典錄記國
家郊祀大典時比諸唐王濟郊祀錄宋文彥博大饗
明堂記生平喜讀書至老尙手一卷人曰老矣奚自
苦田叔曰吾于書飢以當食渴以當飲久伸以當枕
席愁寂以當鼓吹未嘗苦也起生擴于甬上撰狀及
表自稱曰慈先生一時詞家俱奉爲祭酒

入會稿

會稽稱大郡風壤舊京華綠水潔南鎮高城遠若耶郡中輪
竹箭山上起官衙但恐芳蓀歇扁舟間浣紗

費懋謙

一首

懋謙字民益鉛山人以蔭官南都察院都事就遷左
樞參軍

玉笥詩談民益以貴公子折節下惟讀書性又喜吟
青溪之社民益實首倡之又號雋筆軒客星槎渝茗
焚香山人墨客延接無虛日閑有王山人者善寫梅
民益卽從作梅金陵陳子野善墨竹民益卽從作墨
竹晉江黃孔昭工山水民益卽爲山水皆得其意

送朱秉器之渝州太守任

追隨白社六年餘羨爾新詩獨起予遠指雙旌臨錦水先驅
五馬向匡廬江梅試煥離觴劍苑柳迎人執袂初重握手風

更何許涪江魚雁莫教疏

吳稼燈

四首

稼燈字翁晉孝豐人僉都御史維嶽子以蔭除南光

祿典簿累遷雲南通判有玄蓋副草二十一卷

列朝詩集翁晉弱冠稱詩爲弇州太白所推許長而掉鞅詞壇勃窣苦心自漢魏以及三唐無不含咀採擷然而遊汪王之門風聲氣韻多所熏染求其超乘而上則未能也

靜志居詩話翁晉樂府如健兒騎駿馬左右馳突靡不如意近體頗合西崑

礦山謠

礦商聚中野各各不相下珍寶餽中官黃金餽主者淘沙干
金得銀百公私費用兩無益詔書來詔書來中官忽變置主
者顏色如死灰山頭血出金氣死誰作封章報天子

驄馬

青驄白玉鞭綠草去翩翩夜月隨公子春風逐少年驕嘶垂柳外顧影落花前何日征驍虜長驅赴朔邊

同溫長卿登金山

江勢搖坤軸江光沒島痕微茫窮四表突兀見孤根疊嶂連京口驅濤入海門同遊指奇絕落日更開尊

代寄徐仲容

秋雨蘇蘇滴井梧風吹妾夢到東吳生來自恨青溪近獨處無郎似小姑

田藝衡

一首

藝衡字子秋錢唐人副使汝成予以歲貢爲休甯教

諭有田子秋集二十一卷

四庫總目

藝衡在嘉隆間猶爲博洽而詩格頗嬾尤漫

列朝詩集

子秋十歲從其父過采石賦詩云白玉樓

成招太白

青山相對憶青蓮寥寥采石江頭月會照

仙人宮錦帶

戎政府

大將新聞戎政府門外列校如狼虎團營十二坐指揮此生
焉能與噲伍咸竈旗偃虜騎來咸竈旗出虜騎回九廟震驚
本兵死帳中歌舞方行杯籠錫如山印如斗君恩愈深臣愈
負免窟深藏屠酤兒駢幃屢納單于婦平頭奴子屢盡黃不
獨秦宮花底狂內家珠玉耀權室錦衣目側咸中傷猿雞飛
去癰疽潰鵝病疽發時室中有物如白猿白雞飛向西北去謂是其夫婦生肖也曾公夏公來
作崇疾革時自言見兩公來索對答漢武安侯事西湖一莊不忍捐帶礪山河片

言墜笏棺傷屍梟九邊嬌妻稚子橐街懸舊書未及傳三策
血食甯知絕九淵郿塲空爲萬年計落花滿地朱門閉雞鳴
狗吠散如煙寵姬給配功臣第就裏尤誇俞七兒新人重事
繫玉帶圍其嫡洪不與乃自製七寶闌裝金束其值蓋巨萬
計云

田按子秋戎政府一篇詠咸甯侯仇鸞事也詳見余州將軍行

袁應福

一首

應福字華宇貴陽人官來鳳知縣有漁磯詩草

黔詩紀畧華宇詩亮節清音獨具風格

歸來

歸來無一事花竹伴吟身落日清秋暮荒園叢菊新病憐高

興滅老愛舊書親猶有忘言趣停杯望可人

潘光統二首

光統字少承廣州順德人以貢入國子監除光祿署

丞有滋蘭集

秋望

越王樓閣倚蒼巒別苑離宮草樹殘正朔已非秦日月朝臺
猶憶漢衣冠風生禾黍樵歌歇秋入關河夜柝寒間倚青萍
時極目不知何處是長安

闔怨

幽人畏人知深閨獨閉時莫令秋月入照見妾空帷

林世吉一首

世吉字天迪閩人尙書爌子以蔭官戶部郎中

有叢
桂堂集二十卷

挽法偉上人

杪秋經古寺一徑掩蒼苔說法人何在參禪客獨來溪雲侵
講席山月暗香臺塔下菩提樹猶傳手自裁

杜開美

三首

開美字袁度上海人用薦除文華殿中書舍人有秋
水遠遊扣舷詠裘潤州白門敝帚行蘋蜩甲閒居諸

草

訪王延年不遇

端居寡歡悰覽衣出西郭緒風吹我衣水田曠漠漠眷彼中

林土埋照卧邱壑雙扉晝不開白雲抱幽閣獨往不知處青天騎野鶴

茅山抵家有作

青雀西飛千里行江春兩岸聽鶯鶯拾將瑤草尋仙侶開徧山花送客程偶去曹遲黃浦月歸來仍傍赤鳥耕入門把臂紛相問爲說煙霞橐裡盈

客舍苦雨

卽看春草綠知長故園微爲語留晴色征途伴客歸

邱峻

一首

峻字惟高桐城人貢生官始興教諭

畫山水

翠滴松梢雨乍收山光半爲白雲留江邊可惜無人往閒卻
蘋花一段秋

顧從義一首

從義字汝和上海人以善書授中書舍人遷太理評
事有硯山山人詩稿

田按汝和頗稱好事家有玉泓館摹宋本淳化帖藏
之名重於時多藏法書名盡香光稱汝和所藏以顧
愷之女史李公麟潇湘九歌獨江四卷爲最入
朝先後歸內府爲石渠寶笈著錄

和張長興西園白雲塢

古巖多莓苔修篁潤几席往來無雜賓白雲自朝夕

趙士亮二首

士亮字汝寅掖人貢生官東安知縣有龍溪草

月錄卷二十八
溝音集王貽上曰丹澤與孫甯之宿樊桐鼎立一時
秋興塞上諸篇已造境地
田按玩秋興一篇似汝賓鼎革後尙存

蓬萊閣

東望蓬萊近十年思一遊今知滄海大始信九州浮赤日波
中浴青山水上流荒城潮汐苦晝夜打溝頭

秋興

王氣鍾山近有無金陵自古帝王都松杉猶帶前朝色臺殿
時思佩玉趨蒼鼠畫冥翻碧瓦荒苔秋老鎖珊瑚鋪石城北地
秦淮水想像當年入霸圖

劉繼善

一首

繼善字元卿寶應人貢生除鎮江訓導有掩關集二

卷

田坡掩關先生爲余友震青侍講世祖訓導鎮江
砥礪士行力在名教子承溫以名行著世德清門至
今稱之

自賦

白田居士老青囊四壁蕭蕭別有天舊積圖書消日月新成
詩句媚林泉鴻賓燕侶看來往滄海桑田感變遷荒徑客來
留共醉阮生那惜杖頭錢

明詩紀事

貴陽陳田輯

庚編

邵正魁 一首

正魁字長孺休甯人國子監生有梁園燕臺二集

玉笥詩談長孺客金陵入青溪社一日訪子官舍會雨雪余遣騎送之因就社中作雪中借馬詩遂爲時佳侶

贈朱孟震入覲

郡侯不與省郎同倒屣猶存下士風詩自中和稱益部社曾淪落問吳宮時名海內千金重世事尊前一笑空霄漢憐才公等在豈堪結侶五湖東

周才甫一首

才甫字文美永嘉人有雁川集

王筠詩談周山人才甫隆慶辛未入青溪社喜作梅每對客酒間命筆殊可人意又自爲詩其上詩才亦秀逸

送王按察四川

憲府閔西極分符重地曹帆前春樹遠天上法星高旌旆懸
三峽圖形按六韜君才堪賦蜀萬象待揮毫

方問孝十二首

問孝字晳成歙縣布衣有蒼耳齋集十七卷

田接膏成與邢子愿遊于愿集中有與萬伯修書云兩年間凡託兩布衣爲郵一爲京口章廷綸一爲歙州方晳成二君畫法詩稿庶幾倣代蓋章以畫名方以詩名也晳成近體閒朗雅有唐音

嚴先生祠二首

子陵恥繫爵所志在山澤長嘯歸富春一竿輕萬石雲來灘
水暗月上苔磯白漢鼎今何之先生有荒宅
漢室榮諫議先生懷隱情不重一時祿但釣千載名山從石
瀨合江至桐廬清悠悠人間世所以稱先生

晚別周丈人

征途謝送者駐馬間寒鐘落日有離色浮雲無定蹤憂人身
易老夫子道難容明發兩相望秋山深幾重

之秣陵作

擊楫出京口天南望帝鄉江從瓜步闖山入秣陵長落雁下
寒浦遠波吞夕陽濯纓如可適吾道亦滄浪

歲暮都城送方兵憲仰之赴嶺南

二首

闕辭雙鳳下城指五羊東道路還鄉遠山川過嶺雄蓋飛炎
微雨旌捲瘴江風遙識兵威肅天南百寇空

借問征南路迢迢幾月中雲迎漢使節山遠尉佗宮風色旗
旗變軍聲癡癡空遙傳霜雪少不與帝京同

秋日濟北送修法師還南海

來吳今去魯南國事金仙雨重尋山笠湖高泛海船千峯投
暝寺一鉢乞寒泉後夜青天外虛空處處禪

歲杪留別邊翼卿

朔風燕雁滿汀洲千里鄉心急暝流時序又驚殘臘至山川
不是壯年遊雪平海樹吞淮浦雪暗江天失潤州長劍角巾

東路遠貧歸誰憊黑貂裘

晚次秋浦

蘆葦蕭蕭有雁聲夕陽旗泊最傷情江湖到處飄萍梗身世無人識姓名三楚風高寒葉落九華雲盡晚天晴誰憐宋玉悲秋甚一段新愁賦不成

送人謫宦楚中

天南何處動相思暮雨蕭蕭斑竹枝雲夢草生歸雁盡江潭花落逐臣悲芳洲白芷堪爲佩去國青山好賦詩早晚恩波還北闕如今不是賈生時

長干行

帆落潯陽口鳴箏試一彈隔船相問訊同是住長干

送春詞

病酒還沽酒傷春復送春君看惜花客不是少年人

梅守箕

五首

守箕字季豹宣城諸生有居諸前後集

弇州山人續稿季豹五言於漢魏時離時合而其合者并其氣度色澤得之
靜志居詩話梅氏一門羣從禹金最負時名嘗後先過王元美元美贈之詩云從謗荆地人人玉不及梅家樹樹花季豹爲禹金從父雖譽稍遜然詠懷諸作恐小阮亦當避席也

用按季豹古詩氣駿而聲亮視唐古者有上下床之別

送王博士返貴陽

車出北門與君爲別離握手立徘徊涕下忽交頤涕下勉自匿情至不能辭嬾婉念舊歡契闊成新悲山海萬餘里浮

雲亦難期縱有肅肅羽臨風恐退飛願爲卓下塵從君以驅
馳

古詩

北風何蕭蕭素雪相與期寒氣時總至歲月忽已邇久客在
他鄉愁寐中心乖登高望不極誰謂可當歸我歌式微篇涕
下沾裳衣

古意

自與君別者日日臨高臺雲天望不極江帆安在哉夜雨和
淚積秋風兼愁來寒帷幽夢曉落葉紛相催

清溪館贈詩

郎豔解歌白石曲懊憊故作清溪解心招暗託調絃思自成

自有將花時能憐繫馬疏柳外長恨曉鳥高樹枝獨眠無夢
不易旦雙笑有情多失期葛根爛漫藕生孔何處對面空相
思

破鏡詩

嫌名驚異獸殘照委空房不復圓光影能窺半面粧初弦臺
上月出匣枕邊霜若問隋朝事猶令人斷腸

豐越人二首

越人字正元鄞人主事坊孫有天放野人集四卷

甫上者舊集先生嗜學工詩寄情蕭散杜門散髮翛然於修桐疏竹之下興到輒詩索筆直書破窗頽垣俱滿客時過從至無從覓巾襪所深知惟沈嘉則楊伯翼先賓父數先生性不喜文輩上人常見一時山人行卷輒唾之曰詩以道性情豈爲汝輩行乞耶先生詩有林泉無市朝有懷那無譽頸有流連無裏慢

南峯

石磴盤空翠炎風入座涼滄溟流日采青壁抱霞光野樹侵
吳密江潮過越長從來畏登眺霸業幾銷亡

山居

疊嶺分遙海重湖逼太清地幽無過客春盡有覩鶯徑轉垂
蘿合雲流大壑平綠畦風蔓引丹嶂石泉繫俗朴惟傳姓花
繁不辨名由來山水趣長此事岩耕

欽叔陽一首

叔陽字遇公吳縣學生入國子監有集

稅官謠

千人奮挺出萬人夾道看軒爾木揭爾竿隨我來殺稅官

靜志居詩話太監孫隆以督織造駐蘇州朝廷方起
稅額惡少年行賄充委官乘輿張蓋勒索商稅民不堪命崑山人葛成率眾二千人分作六隊一人搗扇前行後執梃隨之知長洲縣事鄧雲霄見民情洶湧擒委官頭目械於立巖妙觀眾立毆死裂其尸知府朱燮元勸諭始得解散此萬曆二十九年事也時葛成慷慨就獄後得省罪又二十餘年而有顏佩韋等寶先啟其兆云

吳元樂

一首

元樂字振之休甯人

山響閣讀畫錄振之善琴工畫筆筆法古勁不落窠臼每作畫輒操琴一曲然後揮毫

讀劉孝標傳

辨命有深論虛達明主前獨比馮敬通可爲識者憐三同誠有之四異有未然患隨秋草沒聲迹永無傳

秦植一首

植字子培無錫人有清湖前後集

和牧之廣陵遺懷

當年薄倖誤青樓載酒重來懷昔遊二十四橋明月滿斷腸
容易是揚州

秦延勳一首

延勳字允元無錫人

送人歸梁溪

故山不可卽遠望慰離羣末路誰知已臨歧更送君歸心千
樹雨秋興五湖雲好待東籬下黃花醉夕曛

吳明珍一首

明珍字季重休甯人

山中作

我本山中人但識山中話五月賣松風人間恐無價

吳伯敬

一首

伯敬字長興宣城人貢生有綠潤園集

贈程山人彥之

年少才名洛下聞偶從花外挹清芬遠遊不飲新安水大隱
還依笠澤雲病借青山供起色愁添征雁重離羣卻憐寒氣
侵衣袂縞帶無能一贈君

梅士勸

一首

士勸字勉淑宣城人有唾餘集

柏梘

八年重一到山色尙蒼蒼勝地應停騎佳遊夙裏糧虹梁飛
木杪雲瀑冷嵒光昔日題詩處藤蘿幾尺長

王環

一首

環字尙玉宣城人有蟠蛟集

嶺南留別豫章夏生文煥

幾年筆硯共炎方忽唱驪歌別五羊
草棘枝長方接席菰蘆家在又還鄉
離亭曉送鶴聲月客路秋分雁背霜龍劍異時
當合并敢云潮不到潯陽

袁鶴聲

一首

鶴聲字汝明宣城人有鶴居集

翠雲菴和陳山人韻

仙刹絕紅塵因君叩白雲石梯緣竹上樵徑入林分地僻人稀到深深鹿自羣支公有妙理得向靜中聞

鍾薇

一首

薇字面溪松江華亭人

秋日宿塔院

水國氣先涼地深塵鞅絕殘經散不收空庭舞黃葉

馬懋勸

一首

懋勸字四錦桐城布衣

山行

過山間犬吠望望有人家遙見翠微裏開門埽落花

馬之瑜

一首

之瑜字君璧桐城人有湖上草堂詩鈔

九日書感

歲事三秋老
新悲兩鬢華
壯心銷白酒
愁眼對黃花
海內兵戈滿
江邊賦稅加
可堪驚婦子
無計守桑麻

錢可久

一首

可久字思畏桐城人

西郭趙園

逆旅經時久
芳郊載酒頻
常因看花處
憶得故園春
筍迸籬根出
萍浮水面新
灑然逢一笑
聊爾任吾真

齊鼎名

一首

鼎名字重客桐城人按察使之鸞孫有刪綠集

登嶧山

策杖度嵒巒星辰掌上看丹爐黃葉合碧殿白雲寒夏貢孤
桐老秦碑小篆殘振衣凌絕頂選石坐盤桓

姚之過

一首

之過字汝碩桐城人有來青集

送友人之粵東文幕

竟上越王樓眞成萬里遊瘴雲隨地起蠻海接天流花放四
時爍文從五嶺收鄉心莫易動酒破鷗鵝愁

朱廷佐

一首

廷佐字南仲吳人徙居金陵有春雨堂集

偕江靈巖登雨花臺小飲

暫快坡襟願涼風滿澗阿好山連郭近名士過江多世事屢
遷變吾生惟嘯歌登臺聊騁目不惜醉顏酡

卓發之

一首

發之字左軍瑞安人有漁籬堂集

秦淮竹枝詞

楚歌湘曲未須哀遙見燈船趁月開長笛叫雲簫咽水百千
神女弄珠來

汪宗孝

一首

宗孝字景純新安人

金陵詩徵景純江左大俠愛時慷慨期毀家以紓國
難卜居白門城南築樓六朝古松下好蓄古書畫鼎

舞月齋卷二十一
葬之屬妻孫靈光善鑒別王伯穀稱之以爲今之李清照也

和陳夫人牡丹詩

深葉繁枝庇苑牆朱顏贏得配花王風迴闌盼筵間態日映
楊妃醉後粧嬌豔由來稱覆錦唐李進賢有牡丹覆以錦華應許傍沈
香也知春盡饒清賞燒燭相看更斷腸

許經一首

經字令則松江華亭人

田按令則眉公弟子詩多俳體時能作才子語

四印堂夜集觀姬人紫雲歌舞卽席賦贈

錦蠟屏圍漾水聲上元時節連聞鶯不知杜牧才多少直向
當筵問姓名

陸應陽

三首

應陽字伯生松江華亭人有鳴雁采薇陸萍香林桃

源河上荆門白門武夷五茸笏溪問雪懷舊等集

露書陸伯生作詩首首有鴻雁字章元禮因呼爲陸

雁
田按伯生爲申吳門客善書亦自矜其詩沈虎臣痛

詆之謂其無一致語然詩亦時有可采

歲暮東歸道中志感

蕭條歲云暮獨客返寒塘尚守青瑣舊空令白日忙潮喧孤
棹急鵠噪野田荒自歎飛蓬迹羞言志四方

鄭州旅次用壁間陸君策韻

朔風吹落九河陰處處寒衣急暮砧一望蘭門黃葉滿始知
秋向客中深

明詩紀事

貴陽陳田輯

庚徵

吳魁一首

魁字希元歙人有梅臞吟稿

春感

社信未傳燕子春愁又逐楊花消得幾番風雨草塘處處鳴

蛙

吳鎮一首

鎮字時守歙人有柏崖稿

元日

架上書添新日歷瓶中梅插舊年花幽懷一段無人會雪水
爐邊自煮茶

王勣

一首

勣字汝嘉南通州貢生

城北樓登望

騁望孤城北春雲雉堞高年華新白髮草色舊青袍樹接天
邊路山連海上濤憑闌無限意落日首重搖

江一山

一首

一山字子雲海門人貢生有雙蓮閣集

園居

緩步向林麓支筇對晚山片雲心共遠獨鶴意俱閒花底清

尊倒風前倦鳥還昨非今覺是已愧鬢毛斑

王醒之

二首

醒之字夢叟南通州人有仙夷草怡雲館集

獵婦

盤頭烏絲雲不理了簪貼鬢鬟生耳短衣褶裙跣足行手把
峒花腰繫蕊三三兩兩入城闕賣歌賣笑不畏人侏侏亦解
作艷語自言家是納糧民獵婦獵婦花纂纂交州市上春風
緩谿深筍密踏唱歸竹籬閒處郎相攜

泊銅陵見月

縣繞千山出銅陵舊有名江聲時齋岸嵐影欲過城貰酒從
村市逢人問水程離家秋思遠兩見月生明

湯有光

四首

有光字慈明南通州人有慈明集

山茨社詩品慈明詩如西人造神仙酒麴水既備頃刻而成可以供一時之歡笑然味則近市難壓蘭陵

之口田按慈明入范異羽山茨社近體時有警動之作

送黃華父之嵊縣

一尊江上別江色引仙槎夜雨錢塘樹春風嵊縣花山將官舍繞柳向驛門斜念我耽遊賞相期過若耶

送王少微歸吳

西風吹不斷萬里秋冥冥楚地一尊盡吳天片雨青飄零遊子計江海少微星回首扁舟遠離鴻不可聽

廣陵寒食

邗江江頭拾翠行薄羅初試東風輕一百五日寒食過二十
四橋春水平夾隄新柳綠於酒何處短簫嬌若鶯醉歸人向
娼家宿燈火滿街聞賣餉

靈谷寺道中

紫翠逶迤路幾重青山面面削芙蓉雲連內苑城邊樹風送
南朝寺裏鐘御道人過時下馬孝陵王氣日成龍一尊到處
俱堪醉回首斜陽隔萬松

葛幼元

四首

幼元原名增字士修南通州人有海居集二卷浮槎

集一卷行藥集一卷倚劍集二卷

陸羽正始堂集士修詩瓊詭跌宕雄視淮以南

一經堂詩話士修薛遊廣陵時南海歐楨伯主竹西

唐坊士修奉之爲師其詩專講聲調格守師說斷斷不失尺寸

庚午年三十一

二

復歸江上別業

獻策適不用歸畊猶薄田狂矜吾舌在名讓眾人先野鳥窺
新屋江梅發舊年畫眉原不嫵安得使人憐

自青霞館移居北屯草堂卽事

秋色澹然淨蕭蕭清客魂庭閒時度鳥樹老不遮門澤國平
蕪斷殘陽遠水昏不妨蕭瑟甚幸免市嘲喧

茱萸灣遇黃使君希尹

湖上落葉盡客行今未歸青楓官舍冷華髮宦情微淮水日
愁望蘆鴻秋不飛浮雲那可問淚滿逐臣衣

江上送客

南去扁舟一葦輕焦公壇下暮潮生憑君莫奏楚漢曲楊柳
春雲無限情

黎密一首

密字績之番禺諸生有籟鴻集

古意

美人北窗下含情揮素琴上絃別鶴怨下絃哀猿吟一彈再
三歎悲來中輶音帝子渺何處瀟湘雲正深

蘇景熙一首

景熙字汝載廣東順德諸生有桐柏山房稿

空城雀

空城雀何不飛去啄食玉山之禾穗卻向空城拾螻蟻螻蟻

雖微亦自愛其生可惜城中人閹室屠官兵官兵殺人不殺
賊擂鼓椎牛縱劫勒

朱完

三首

完字季美南海諸生有清暉館稿

廣東詩粹歐子建云季美居粵城北郭之虹岡栽竹數萬竿梅數百株開門自娛而問字索書者不絕詩清婉有致

山岡漫興

三首

繞屋桑田百畝當門松樹千株牆東牆西蝴蝶山北山南鷗
鷗

石上風搖薜荔花間雨滑蒼苔新蟬響斷還續暮鳥飛去復
來

石上流泉飲鹿雲中茅屋鳴雞幽人策杖何去採藥菖蒲寺
西

范之默二首

之默字仲宣寶應諸生有我有軒集

虎邱坐月逢雙梧禪師清話

月滿千人坐登歌欲二更清池搖劍影蒼樹出鐘聲悟石那
成幻聞山此得名因君析禪理深自愧浮生

乞菊

半生獨抱陶潛好疏懶全無樹藝功欲向君家乞名品酒杯

詩乞答秋風

鄭爾忠

一首

爾忠字孝初寶應人有淮海西遊書柿齋續音等集

湖上

西風遠葉渡秋水蓼花灘終日無塵鞅生涯有釣竿村醪濃似乳溪蟹大於盤有興聊孤酌陶然詠考槃

廖孔悅

三首

孔悅字傅生上元諸生

田按傅生七絕翩翩逸調

偶集

春雨霏霏溼酒卮滿堂紅燭對彈基主人先醉非無忘愁見更闌客散時

訪道士

露草煙林斷客行竹扉晝掩對高城道人不愛人天供消受
秋空鶴一聲

酒家同彥先

苦說傷春還餞春夜深曉鳥對沾巾綠陰村酒城南市同是
尊前白髮人

陳鳴鶴三首

鳴鶴字汝翔懷安人有泡菴詩選

東南崎外詩話汝翔萬曆中諸生棄舉子業與謝在
杭及徐興公兄弟共攻聲律凡三十年有東越文苑
六卷閩中考一卷著錄四庫其詩名泡菴集卽興
公所選定也七絕最佳

馬嵬驛

春雨梨花暗馬嵬霓裳聲斷不勝哀烏號劍閣空相憶人去

驪山竟不回驛路幾時迎翠輦佛堂千載閒蒼苔多情惟有
華清月還照宮中歌舞臺

沖祐觀

吸露餐霞絕世氛石壇親見武夷君漢家天子多煙火卻把
乾魚污白雲

古戰場

連天殺氣壓黃雲鬼哭啾啾亘耐聞日暮亂鴉爭白骨不知
誰是故將軍

陳宏已

二首

宏已字振狂閩人有廬中馬東諸集

泊黃山驛示王吳二宰

古驛黃山下孤舟綠水涯
逢人盡鄉曲獨客似還家

苦竹派

明月沙頭苦竹青鷗鵠唳罷水冥冥
嶺南行客腸休斷不似黃陵廟裏聽

鄧欽文

〔首〕

欽文字徵甫江陰人有倚竹紀遊二集

詩數延陵鄧欽文詩素不知名戊辰春余同黎惟敬諸子遊西山歸各賦詩鄧所作一首特精工冠一時

臥佛寺

佛臥何時起空山日月低花從開智慧樹幾長菩提世事浮雲夢吾生待指迷白毫如可卽香象復來西

董養斌

〔首〕

養斌字叔允國子監生有董叔允詩

送人之咸陽

念君何所適鞍馬向關中驛路三千遠河山百二雄月明秦
廢苑花落漢離宮惜別魂應斷悠悠渭水東

王應岳

一首

應岳字重甫侯官布衣

送鄭景愛

淒淒風雪裏之子欲何之惜別一杯酒重逢是幾時霜寒雞
唱斷天遠雁行遲隴上梅堪折憑誰寄所思

許樵

一首

樵字嚴長莆田布衣

露書嚴長詩酸楚流利雖少含蓄不失爲雍門鼓琴
蘭陔詩話嚴長與同里吳元翰張隆父林希萬黃漢
表盧元禮高彥升陳肩之林彥式諸君結北山詩社

社期阻雨有懷遠遊諸丈

幽期今日到清溪白社雲深入望迷驛雨斜風人聚散青山
綠水路東西三春飛雁書來少一別平原草又齊此意蕭條
鶯不解閒關猶自隔林喧

劉潢一首

潢字師藩上元人有檀橋集

舟行至蘭陰

澤國蒼茫景扁舟接遠天江明潮帶月山暝樹生煙檣燕時
留語沙鷗自在眠風餐兼水宿旅夢動經年

鄒景賢

一首

景賢字孟淑上元貢生

題宋田子濟畫雁

五國城邊白草秋蒼茫良嶽夕陽愁昂書誰繫天邊雁空向
昇州憶汴州

沈敬元

一首

啟元字端伯六合人國子監生

永定寺

幽尋不憚遠薄暮興還乘敗葉鳴蘿徑霜花落豆棚片雲閒
對客獨鶴懶依僧更有東林約今宵宿未能

陳仲濤

一首

仲濤字惟秦懷安人有陳惟秦詩

列朝詩集惟秦詩苦求工不愜意不止每出其詩示人以手按紙手額口吟人或誦其詩口喃喃與相應其自喜如此

蘇小小墓

渺渺江天響暮潮西陵黃土葬妖嬈錢塘不是高膚路油壁青驄總寂寥

王廩仲

一首

崑仲字玉生閩人禮部儒士

金陵懷古

栖霞高嶺翠煙凝立武湖光似鏡澄古渡遠迎蘭槳妓名山深閉瓦棺僧藻蘋歲歲功臣廟松檜葱葱太祖陵欲問六朝

何處所都人惟解說龍興

陳邦注

一首

邦注字平夫閩人有釣磯集

古意

郎住橫塘東妾住橫塘西相思不相見橫塘青草齊

康當世

一首

當世字孟擔莆田人

夏日睡起

山窗無處不藤蘿欲賦閒居奈嬾何不信昨宵春已去起看

池上落花多

姚貞

一首

貞字元亮上元人

別業

枳籬別業結山鄰
棐几明窗絕點塵
檻竹報晴仍帶雨
瓶梅裏凍固留春
彈餘綠綺茶聲熟
臨就黃庭墨暈新
門外一溪通約畧
半邀酒客半詩人

陳椿

一首

椿字汝大閩人有景于樓集八卷

感秋

素月出東壁涼風吹我襟
中夜不能寐披軒彈鳴琴
物化有代謝隙駒無停陰
勛名在盛年卽事感何深
燕石旣混璞驪珠復淵沈
誰收爨下材一以微黃金

洪寬

一首

寬字仲韋莆田人

露書洪仲韋謂詩須弄韻畫須弄墨書須弄筆亦必能弄韻能弄墨能弄筆始臻佳境

夏日同徐茂吳臧晉叔錢叔達遊西湖分韻

丹嶂看疑畫平湖望若空層巒青靄外古刹白雲中水淨菰蒲綠林幽木槿紅風光已可樂况復故人同

何體性

一首

體性字其璿廣州順德人有朗吟軒稿

有所思

浮雲西北馳逝水東南去有客正傷離佳人在何處煙消江練闊湛湛青楓樹日暮渺愁予疏鐘度微雨

王同軌 一首

同軌字衍父黃岡貢生除江甯知縣遷南太僕主簿
有蘭香集

列朝詩集行父嘗從吳明卿出遊與王弇州李雲杜善作詩不多自有風格不欲寄諸公籬下撰前後耳談纂述異同亦洪氏夷堅之流也

赤壁樓上同弟綏父陪劉維芳兩集

登樓披秀色尊酒暫從君檻集千峯雨窗流滿榻雲魚龍寒
自蟄鴻雁暮爲羣共醉空明上人問世界分

徐益孫 一首

益孫字孟孺松江華亭人國子監生

漱六齋集孟孺申格握筆真兩京六朝之遺
田按孟孺名列弇州四君子余從屠長卿由奉集見

孟孺序文具有六朝人風致徧檢諸集無有錄孟孺詩者後於松風餘韻獲詩一篇亟登之孟孺非惟擅文藻且有至行母卒結廬墓側作文誓墓不復應樂年未五十卒惜遺集不傳

春日登湖音閣

崇閣俯滄洲乘春獻歲遊鳴榔魚網集倚檻水雲流龍藏涵虛迴禪扉入定幽錫飛蓬惠遠相對狎沙鷗

周如塤一首

如塤字所詣莆田人

筆精所詣甫處士也足迹不出戶庭苦吟弗輟未嘗妄與顯者遊故其爲詩綽有林壑之致如風生極浦潮常白霜冷空林草變衰萬里寒山橫積雪半汀衰草隱斜陽百花潭上漁竿在五柳門前鶴徑荒因嫌城市非吾土卻傍漁家作比鄰牆壓花枝妨客過泥深昔徑喚人扶等句全無煙火食氣

田家吟

不識市朝車馬喧殘蓑笠老田園柴門去郭無多路野竹臨流自一村春雨桑麻終歲足清時雞犬幾家存兒孫牧畜南山下爲道須妨猛虎繁

梁士奇

一首

士奇平陰諸生有樂府雜詩

山行

蒼崖老樹長千尺挂著山精薜蘿衣紅葉黃花惜日晚溪風

山雨送人歸

林元協

一首

元協字子彥太平人

聞詔起遷謫諸臣

金雞飛詔下長安逐客逢時又拜官投杼固知人語誤賜環
貞見主恩寬十年孤憤朱雲檻一日清塵貢禹冠獨倚高樓
瞻魏闕浮雲散盡露溥溥

毛子亨

一首

子亨字懷士太平人

貧居

昨夜風吹茅屋破衾寒被澀不得卧朝來縮頸怕出門道旁
老狐見人怒山南荳苗半枯死抱甕欲汲溪無水咽乾喉急
暮來歸小兒索食牽我衣

蔡鉅

一首

鉅字邦奇太平人

歲暮歸

葛陽石上花不發
歲晏他鄉歸去來
妻子嗔子淹道路
田畠今日長蒿萊
不憐鬢髮經時短
只訴饑寒到骨哀
有高松夾窮巷柴門
依舊對山開

鄒佐卿一首

佐卿字汝翼丹徒人有纏頭集十卷

筆精汝翼性豪爽喜遊俠邪著述甚富自文集外有
艷詞十卷題曰纏頭集皆生平贈妓之作佳句麗情
可歌可詠笛中舊恨留金谷天上新愁問玉卮江柳
眉梢雙鎖恨海棠春盡獨銷魂寶鏡夜寒嚮顧影畫
梁春媛燕歸樓妝粉曉沾蝴蝶草暎紅春染杜鵑枝
鬢梳蟬影分雙翼衣剪靈紗學六銖小閣題情緘
蕙蘊空庭微步出蓮花樓前彩鳳隨仙吏陌上銀笙悽
使君春回漢水思捐佩月滿秦宮照捲衣玉樹輕霜
凝屈戌垂楊新月挂鞦韆楊柳調翻歌扇月柘枝香
度舞裙風明月小樓關盼盼睡楊深院李師師等聯

膾炙尤甚義山無題之後亦不多見也

宮詞

複道傳呼御輦過遙聞仙樂動雲和黃金縱買長門賦逝水
終慚太液波

顧斗英

三首

斗英字仲韓上海人有小菴羅集六卷

筆精華亭莫延韓上洋顧仲韓皆奕奕才情盼倩辯麗綢雲間二韓廷韓文名滿天下仲韓詩僅有存人莫能名者仲韓少有雋才磊落不羈窮服饌娛聲色選伎徵歌座客常滿日費萬錢不憚每出輒載與俱畫舫旗接盆卉圖書古尊罍畢具竟以此傾父貨鬻聲病以死余薄遊海上始知有顧仲韓而莫草宿矣詩多憐風月猶池苑大都流靡以自妍傷其才而不遇也

臥病感懷

較嵇還復懶擬庾更多愁拙笑安蛇足癡真類虎頭捫胸開
五嶽搖筆吐千秋不解于人策文園豈倦遊

送僧入關

西竺初傳法東林復閉關齋心修白業投老寄青山彌勒分
龕坐闇黎乞食還自應無退轉玄論許誰攀

秦淮小姬

一片春山乍學描纏頭初試紫霞綃章臺無數青青柳最慧
東風是嫩條

袁敬烈

二首

敬烈字無競閩人知府表子有臥雪齋集

邊上送故人

送君歸故國而我礮邊州日落鄉心遠
纏纏樹愁秋風沙磧馬夜月海西樓羌笛數聲起那禁雙淚流

紅葉怨

宮水潺湲出御溝拭將殘淚寫新愁誰言一葉傳情易載得
愁多卻不流

王湛

一首

湛字汝存閩縣歲貢生有王生詩

楊白花

楊花不戀枝飄蕩向南去願得迴飈生吹花還故處

梁天佑

一首

天佑字以德一字龍田浦城人

龍卧寺步葉進卿韻

龍卧精藍別有天尋真到此亦清緣空山雲與客爭路古寺
鳥同僧話禪隔代題名滅碧蘚逼人怪石聳青蓮老來擬此
營精舍愧乏前人布地錢

沈翰卿 一首

翰卿字子羽江陰人

明詩統子羽嘗游吳一時名士多與之遊詩名滿吳下

與石洲遊高座寺

檻前修竹弄晴暉木杪層巒鳥道微並轡遠遊紅葉寺入山
頻扣白雲扉咄嗟世網吾將避寂寞空門願所依一笑偶逢
陶陸輩遠公蓮社幸同歸

明詩紀事

貴陽陳田輯

庚鑑

袁崇冕

一首

崇冕號西野章邱布衣

池北偶談西野以布衣終工金元詞曲與李中麓唱酬

十月始見菊

怪爾清姿消瘦盡冷風疏雨亦淒其元冬乍見真成晚白首
相期亦未遲雲暗郡城愁獨坐日斜鄉國望移時樽前摘索
原因醉燭底歌吟轉更悲

王留

七首

留字亦房吳人稱登子有匏葉燕載遺稿等集

列朝詩集亦房伯穀之少子也年十五游金陵作舊京篇父客皆歎異以爲文考復出伯穀後不得意於文戰肆力爲歌詩曲周劉敬仲南陽馬仲良最相矜重仲良之持論欲爲調人於李何袁鍾之間以才情風調自樹赤幟而獨深推亦房以爲獨立齊盟無兩子也仲良亦房相繼卒年皆未四十亦房之生也晚未能傳習其家學而又侵淫於時調橫從跌宕於先人之矩矱遂將偭而去之轉入惡道中矣

送費元勦下第歸檇李

淪落雖然憒羈愁一倍新欲忘難遣事但較不歸人凍水藏
河面乾沙擁樹身酒家經漸熟應笑往來頻

朱康侯王孫

南州王孫盛文藻用晦云亡鬱儀老如君繼起方少年五言
清真尤覺好我父牛耳凌中原君家二老相推崇君今懷刺

復相訪直謂貧士非王孫告我經年作游計千里齋糧託孤
詣戒僕還須變姓名逢人豈復誇門第行裝羞澀氣瀟灑三
尺胡琴一羸馬但聞朋友便交歡每到山川卽描寫浪傳腰
玦青珊瑚布衣蕭然何所殊長揖那曾傲漁釣低頭不敢爭
屠沽我亦奇游不停轍袖裏懷書覲宮闕瓣香慷慨拜荆高
杯酒殷勤酌毛薛所思廬山未得從詩中想見香爐峯君行
便欲躡之去同聽東林煙寺鐘

田按周櫟園書影云亦房畧有才情走入魔道余在
閩中見其詩刻種種無一語及其父百穀者詩文卽
不同調何致自昧人倫若是今錄亦房贈朱康侯詩
云我父牛耳浚中原君家二老相推尊可爲亦房一
解此誣矣

送劉其奇歸豫章約予

留滯空憐客計窮舟行未必與君同汀蘆正齊喜新雁田草
將衰愁亂蟲獨夜有懷偏避月長年無力但需風遙知詩句
偶成處多在小村燈火中

送楊修齡侍御按黔時方用兵

疏雨濃雲暗遠郊南征慷慨誓前茅山根野火懸孤戍木末
人煙據險巢萬里鼓笳迎六傳兩階千羽待三苗應知日有
千言就記得歌名或是饒

初冬客懷二首

故園消息杳難憑寄食栖栖百慮增貧士驕人猶勝詔庸流
愛我不如憎殊方得病醫無力獨夜成眠醉始能身賤敢從
同學較任他裘馬自相矜

傍澗誅茅十畝宮主人閒卽住山中藥苗飽雨分畦綠楓葉
酣霜合鳴紅半夜樵歌寒趁日六時僧磬響因風如今徙倚
都門望凍草僵沙是處同

崑山訪王世周不遇

小築宛如江上村階前徑尺青苔痕偶然繫艇一相訪惟有
寒潮同到門

卜舜年三首

舜年字孟碩吳江人僑寓嘉興諸生有綠曉齋詩集

靜志居詩話孟碩家盛澤幼赴嘉興童子試時安福
顏欲章知縣事亟賞其文拔置第一遂補諸生讀書
東塔寺尋游陳仲淳之門負才傲世恆衣茜衣入市
題其門曰鄉人皆惡國士無雙惟與同里張汝培端
甫結契時相倡和孟碩旣失意坎壈不平仿屈平楚
辭作滔滔章假帝誥河伯之文有日東聯潘散公南

乃基於剝牀翹商羊之子舞兮又安覩儀鳳之踰踰
固帝心之欣禱兮亦今俗之好殃又聞杜松劉綽二
將喪師賦長謠千餘言以詬揚鑄平居好結客客至
必留坐是奇窘或三日不爨終不乞米於人也詩尚

崛奇

問有合律者

百城煙水孟碩負才任誕嘗爲詩云誅虱等羣小放

鵠得身遊謂檮李蔣之翹曰此生平得意句也客遊
虎邱值大雪徑無人迹忽千人石上歌聲遏雲科頭
挽雙鬢一長鐵釘簪之身穿紅布直裰乃孟碩也雅

好點染余友蔣洪吉述其當月明之夜往往兀坐樹

下想像煙林達曉不寐故其運筆磅礴淋漓鬢有

仙氣余曾見一單幅畫落月於叢樹藤蘿之中光芒

四映對之爽氣拂襟信斯言之不謬也

裴餘叢話鄭諒伯新刻其鄉先輩卜孟碩綠曉齋詩

集四卷見寄卜沒於萬歷時年僅三十二負才佚盪

振奇好異不屑與俗同使老其才或能與文長次棟

相上下耳五律句如沙昏秋雁落潮滿夜漁歸五湖

然新水發一棹故人來鵠鵠沐松露房廊穿竹風皆自
高勝

宿鶯湖

鶯湖日墮波餘紫青翰舟留白沙嘴半夜潮生枕簟間遙林
月到篷窗裏呼出漁郎張志和瓦盆白酒發高歌平明共爾
升元園回首吳山青一螺

山家

水滿失灘沙雲開曳彩霞晴來閒晒藥雨後急收茶簾坐一身柳蜂歸兩股花人言無事得多事最山家

晨起湖上

紙窗清映盛湖曉窗裏宿雲溫欲飛湖鳥呼羣動高柳山鷄
唱闌開矮扉春濤十里牙檣細夜雨一圍蔬甲肥自信直鉤
長罷釣無魚不與素心違

邵潛

二首

潛字澤夫南通州人有邵山人集

池北偶談邵潛夫性傲僻不諳俗人多惡之所著友誼錄相更傳諸書多可傳者年老無子客如皋城年八十餘矣予過訪之茅屋三間黝黑如漆邵筋骨如鐵白髮鬚髮被領雙眸炯然與修禊昌氏洗鉢池尙能與予輩賦詩

田按潛夫家貧不善治生產既喪婦續娶里中小家子也庸奴共夫求去晚貧甚僅僅拾橡剉薦以自給性卞急與人語稍低梧輒謾罵嘗與鍾竟陵舟中面詆其密友譚元春又嘗過虞山謁錢宗伯稍待久之卽罵閣者而去博覽多通有潛夫別集豐鳴錄循吏傳引年錄志幼錄余皆得見之詩五言有可錄者陳迦陵亟稱之不能副其言也

奉送周使君伯二

人生易超忽聚散良有時念與知己別氣結難爲詞神交義不薄出札恒見之願展嫋婉情千古與等期飄風從東來浮雲倏西馳奄然一相失恨恨使心悲貧士代失職懷瑾誰當

知感激平生意淚下空漣漪

月夜同王夢叟過水月閣訪周夢翁

庭空明積水坐久露華凝身寄誰非客心閒獨媿僧花間過
茗盃柳外出漁燈莫漫談風雅齊藤敢代興

陳元素

一首

元素字古白長洲人諸生

無聲詩史古白以文學知名於時書法清勁類歐率更寫墨蘭有楚畹清芬之致

何仲先移家維亭

周親於我更芳鄰徙宅超然遠市塵路出東門船似馬湖當
前浦浪如銀誰能父子相師友豈少賢豪互主賓潮到此亭
曾有識知君才不讓前人

趙宦光

一首

宦光字凡夫吳人有寒山雜著

百城煙水寒山別樂在支硎山南萬厯間雲間高士
趙凡夫葬父舍元於此遂偕元配陸卿子家焉自關
邱壑鑿山琢石如洞天桃源前爲小宛堂茗椀几榻
千尺雪尤爲諸景之最子靈均一傳後改精藍葛彌
光贈凡夫詩云松風二十里花店野棠村已是山深
處無嫌客到門廬中半生住海內一家言雨臺看飛
瀑褰雲濺石根鄧雲霄贈詩云宦海嗟無岸名山別
有春遙從棲隱處再覓姓龐人野鳥時窺客幽花不
笑貧坐鄰支遁宅今古並芳塵馮時可同申少師飲
凡夫齋中云緬懷新築勝丹閣俯嶙峋間擊山中相
幽尋世外人瀑布刻溪雪花發武陵春便欲移家住
於斯并采真吳夢陽凡夫邀宿山居云昏黑從君返
懸燈客入門房廊營石骨窗戶瀉波痕四壁白雲靜
中庭青草繁問余能領略搔首自忘言范汭贈凡夫
云無路覓君去亂峰雲若屯嵌空巢樹杪鑿沼露山
根畫遣兒墓勒詩從婦討論墓田何太近宿草接間
門林雲鳳春日趙家山詩云出郭不知遠入山轉覺

幽與樵爭橫路隨鶴到林邱瀑水當門雨松陰滿地
秋人間多事何日復來遊

柴門

編荆可當門疊石能爲牆青山露牆上野花牆下香

茅維

二首

維字孝若歸安人副使坤子萬歷乙卯舉人授翰林
孔目有十賚堂甲集五卷乙集十八卷菰園集六卷
佩觿闡遊草一卷

唐隆南有堂集孝若爲漢魏則漢魏爲六朝則六朝
爲初唐則初唐其於體靡不合間爲唐之中盛雄雋

悲壯龍鱗海而鷗搏空也

列朝詩集萬歷間著之稱詩者臧懋循晉叔吳稼燈
翁晉吳夢陽允兆而孝若與之抗行爲四子有十賚
堂集數十卷流覽篇帙才調斐然以檢括爲難耳嘗
以所作雜劇屬余序已而語人曰虞山輕我近舍湯
臨川而遠引關漢卿馬東籬是不欲以我代臨川也

其真兀如此

田拔孝若古詩清真頗近宋人

友人寄餉芥茶

坐久碧窗下幽燈散林影故人有芳訊特餉一函茗山僅見採摘重趼歷巖頂陽巖抽碧枝土瘦香倍猛澤蘭沃其根氣韵幽以靜量水手自煎槍旗沸若鼎瀉之白玉磁乳花浮耿耿乍傾色若無稍貶味逾迴七椀清風颺一啜留津冷何用金沙泉自陋建陽餅世以方虎邱品置豈平等不願封雲溪願得芥一頃紫笱日作供水厄呼不醒大笑毀茶論空傳竟陵井

試芥茶

夏雲鱗鱗花木霽曉坐北窗繞花氣阿顏攜茶至芥巔采焙

皆云親手製裏露朝采山之陽篝燈夜焙不盈器香味略有
數種殊活火新泉請君試急量雪水貯花瓷蟲蟲槍旗鼎邊
湧乍傾縹碧殊氤氳亂瀉荷珠盃中墜舌本未辨清甘迴鼻
端但覺奇香帶洞山廟後相等夷小芥一畧光絕異問之老
梗抽紫芽沙瘦崖高眾皆棄阿顏叩頭服主人請出諸茶盡
品次大馮開之常嘆茶道嚴玉川未解此中祕古人品茶重花
乳細碾龍團如餅餌今人品茶重色香縹渺虛無第一義松
蘿如入法官厨天池如過五都市龍井顧渚差蘊藉一再啜
之少餘思虎邱天然冰玉姿藐姑仙人見者避不如明月峽
中芥落落穆穆高韻土隱囊揮塵支許偷居然名理饒玄致
吳儂四月櫻筍熟桑柘映空撲衣翠草堂無事日讀書自領

山童課茶事企腳呼點蟹眼湯蕙蘭九畹澆胸脾欲草茶志
無煩言庶惟澹者標其意

吳拭

四首

拭字去塵自號遁道人休甯人有武夷集百粵紀遊
諸稿

藍圃山響閣讀畫錄遁道人翰墨各極精妙畫師米
頗而同有潔癖廣水殘山今如廣陵散矣
列朝詩集去塵居新安之上山宗族多富人去塵獨
好讀書鼓琴布衣芒鞋寥然自異輕財結客好遊名
山水從曹能始自楚之黔覽勝搜奇歸攜一編以誇
示里人里人爭目笑之倣易水法製墨遇通人文士
倒囊相贈富家翁購之輒大笑曰無以孔方兄辱吾
客卿也坐此益大困耳聾頭眩爲悍婦所逐落魄遊
吳門遇亂死虞山舟中毛子晉爲收葬之去塵有不
寐詩云莫怪故人消息斷誰教金盡見床頭視張謂
黃金不多之句尤爲淒切也

晚步

步出斜陽盡微涼竹林滿漢迴山影空雲斷夕光遺引策散行蹤隨心恣幽懶日出夜遙遙疏鐘到孤館

清遠峽

雨過山氣清兩鴈望相峙樹裏出鐘聲煙澄滿江水烟燭林光中露重滴松子

訪文莊樂不值

經時相遇又成虛數樹支門綠有餘在野不知三代往入城安可一朝居道書挂向梧桐壁破硯行懷薜荔裙誰謂古人不可及古人當恨不君如

小重陽日偕蘭如孟芳過訪毛子晉

秋葉風飄露有香野籬花發小重陽愁予酒力難通夜喜子
詩名已擅場柳葉挂門搖夕照池波隔檻射秋光須知生有
山僧共歲暮心期不可忘

寇學海

四首

學海字巨源廣濟布衣有寇山人遺稿

陳文燭二酉堂集寇山人詩才雄格老尤長近體如懷村居則溪雲侵座冷山雨入簾疏懷謙之有從來詞賦人多忌莫怪江湖我獨醒送肖甫有帝自非熊先得兆士雖屠狗亦銜恩人多誦之

二餘齋初成漫賦

卜居無定業小築似蝸廬日夕散鄰牧水澄窺洞魚落花人醉後種竹雨來初未敢追前躅貧哉常晏如

長安秋日移居

羈懷不可道秋至日堪哀問舍鄉仍遠登樓賦懶裁黃金與
交盡白髮共年來多少飛揚意寥寥落酒杯

秋日

生事於今不可言西風瑟瑟滿平原腰間七首明如雪欲向
何門說報恩

冬夜懷人

畫角聲中更漏殘病軀孤坐地爐寒可憐今夜霜天月何處
愁人馬上看

沈承 一首

承字君烈太倉州人諸生有卽山集六卷

田按君烈小有才名然誦其得意句如鐘聲奪夢尾
晨光抹澹額亦當時公安派之下乘也

月齋卷二十一
過趙凡夫山居

橫抱山爲枕平邀樹作家春風吹客至踏破一欄花

張大復

一首

大復字元長崑山人有梅花草堂集

田按元長崑山人物傳，四庫總目稱其敘述雅潔又有梅花草堂筆談遺聞，瑣事頗賴以傳。

麝

閒看草木生如怒戲潑湯茗味政新從此韶光知幾許風風雨雨莫愁人

朱鷺

二首

鷺初名家棟字白民吳人有青淨子彝贊

靜志居詩話白民負奇嘗獨游黃山遠尋嵩華所至畫竹以自給家居撰建文書法擬思進呈請復革除

紀年不果崇禎初騎驥入都上所作甘露頌不果歸
結茅於郡西華山蓮子峯下躬親井臼不願見貴人
年八十餘乃卒是時隱居者王在公芥菴趙宦光凡
夫稱異下三高而敦古節者自民爲最文肅特誌其墓

題蓮子峰

登峰問蓮子古路出僧家石榻留雲供空池長佛花

答王芥菴

不是看梅客還爲一宿禪多君留好句相見妙高巔

李之茂一首

之茂潞安人見謝四溟詩話

元日過柏堠僧舍憶謝茂秦

索居無歲事騎馬入禪林勝地堪逃俗名香可淨心偶思靈

連句暫與惠休吟庭樹來山鳥當春多好音

齊萊名一首

萊名字朱草桐城人諸生有青莎館集

懊惱歌

憑欄夜候歡望歡歡不來安得如春風時時入歡懷

孫殼一首

穀字子雙華容人

沅湘耆舊集子雙著述甚富舊雜採舊文分爲四部
名微書一曰樊微輯秦漢以前逸書一曰幾微輯漢
晉間箋疏一曰閑微微皇古七十二代之文一日刪
微採尚書十一種春秋十一種易八種禮樂詩三種古
論語四種孝經九種河圖十種洛書五種統謂之古
微書又著唐紀七十卷以新舊唐書踏駁多其所指
摘皆當體例今均佚僅存刪微一種獨被微書之名
凡三十六卷四庫目錄稱其書能使學者生千百

年後猶見東京以上之遺文以資考證其功莫不可
沒朱氏經義考據一門其所引據出微書者十之
八九則用力亦甚勤矣

讀史

出門生慷慨閉戶傷幽獨展轉閑良史聊用舒心曲豈知古
人書含茹多局促金張侈漢節王謝靡晉祿紛有獨行者嘿
嘿隱玄樸文字或浪傳傳聞多實錄當日佚厥真後視曠誰
續所以繁華子赫奕誇人目稷禹坐可期何論顏曾躅